

阿文成公年譜

阿文成公年譜卷十五

受業

王昶勅定

盧蔭溥增脩

第三孫那彥成恭纂

乾隆四十年

五月初三日

公偕豐昇額海蘭察額森特奏言查木思工噶克  
本屬進取勒烏圍正路爲賊人緊要門戶賊人見  
官兵佔住最高峯頂因於十四日攢集醜類悉力  
合衝經穆哈納曹順國興等督率各兵分頭迎殺

計此一日之內賊人散而復聚退而復進者七次  
均被官兵擊斃殲斃始行遁匿先是臣阿桂一得  
山峯礮柵時卽思賊必盡將勒吉爾博山梁及得  
式梯沿河上下之人悉來抵禦且沿河礮寨亦於  
十四日早間攻打焚燒賊度官兵未必再來若卽  
於是夜攻搶擦庸等寨可期克獲當於亥刻仍派  
令十四日進攻各員分隊前進至十五日寅刻將  
擦庸礮寨數十間並附近大礮木柵石卡悉行攻  
獲官兵乘勝進撲來珠礮寨賊人先經知覺預備  
連撲三次不能得手至十六日丑刻暫將官兵撤

下其木思工噶克丫口木城石礮<sub>臣</sub>等先於十五日將大礮運往轟摧十六日又將趕鑄大礮一位運往從上下擊至十九日丑刻乘濃霧四塞之時派兵前進午刻霧氣將散各兵踴躍直前當將大礮石卡木城悉行克獲共殺賊五十餘名又將丫口擎柵佔據至丫口以下卽係木思工噶克寨官兵直前搶入放火焚燬又相度賊人來援之路於箐林內潛爲設伏殲殪者亦多查十四日所克之丫口右手山峯詢之番人地名上巴木通其下又有礮兩座名下巴木通此時官兵旣得上巴木通

又將丫口正路礮柵盡行攻克則賊人之門戶已  
開但下巴木通礮卡相逼甚近前進之路尙爲窄  
隘當此賊人心寒膽喪之時必應厚集兵力爲一  
舉搗巢之局臣等相度沿河一帶情形節節攻取  
仍多費手若將下巴木通兩礮攻得卽可從木思  
工噶克丫口分頭並下其噶爾丹寺得式棉等處  
又可邀截在內目下若無大雨雪卽擬發兵攻搶  
開寬進兵之路直搗賊巢奏入

諭曰阿桂奏攻克木思工噶克丫口木城石礮現籌合力  
進剿同日明亮奏由基木斯丹當噶統兵下壓奪卡前

進情形兩路在事將領弁兵俱各奮勇出力甚屬可嘉  
著行存記俟攻克勒烏圍一併交部優叙

初八日

公偕豐昇額海蘭察額森特奏言伏查西路官兵  
先將上巴木通攻得隨又搶據木思工噶克了口  
正路惟下巴木通一處賊人設有雙礮醜類蟻聚  
此時惟在克下巴木通分頭進即可勢成破竹  
連日天氣快晴因於二十一日亥刻分兵進取二  
十二日寅刻前進下巴木通地勢既極陡峻上下  
雙礮中間賊又攔截木城一道溝濠洞穴縱橫重

疊放鎗擲石死力抵拒

臣

海蘭察額森特督催官

兵於鎗石如雨之中將攔截木城扳開從中衝出

又由兩大礮旁繞出礮後圍截而正面官兵隨各

一擁直上

臣

海蘭察所督官兵先將下手一礮攻

克

臣

額森特所攻一礮亦隨克獲礮內賊人皆被

殲戮得脫者甚少查此兩礮以下雖礮卡林立直

至噶爾丹寺之上並無空隙而勢已佔據上游

臣

海蘭察額森特遂乘勢督率順梁攻壓我兵踴躍

爭先又將色爾外安吉達佳布一帶各礮寨悉行

攻獲直至噶爾丹寺之前所有礮卡寨落百餘處

之賊無敢復抗拒者維時五岱等兵先至來珠寨  
下直前撲進攻得式梯賊人旋棄碉寨而逃卽  
將上下得式梯全行佔據至烏什哈達海祿劉國  
樑等攻了口左手木城石碉書麟保寧特成額等  
攻山梁上木城石碉至申刻亦均先後克獲此勒  
吉爾博一道山梁上下迤延幾二十里所有碉寨  
儘數掃除及至戌刻烏什哈達等帶兵直上榮噶  
爾博大山梁將各碉搶得直至第三峯之上臣阿  
桂豐昇額迅派官兵前往接應連夜分擊木柵石  
卡將各緊要地方嚴密佔據是夜臣等悉行商酌

當此賊膽已破之時不可稍使停畱生智至二十

三日卯刻

臣

海蘭察額森特復帶兵前進直抵噶

爾丹寺賊在寺內攢集多人抵拒

臣

等思噶朗噶

寨雖在噶爾丹寺以內若從安吉而下將噶朗噶

一帶寨落數十處掃淨則噶爾丹寺已被截在內

可以不攻自潰遂分數隊官兵前往攻打但時已

未申難以佔據因將官兵酌撤

臣

等復思榮噶爾

博與勒吉爾博本屬一道大小梁分爲兩支其自

榮噶爾博迤西而下爲勒烏圍自勒吉爾博迤下

而西北爲噶爾丹寺及得式梔官兵若得噶爾丹

寺及噶朗噶前抵勒烏圍固爲直捷但中間沿河  
多係危崖一線之路尙恐不無阻滯今官兵於榮  
噶爾博大山梁已佔至第三峯而木思工噶克又  
先已攻得若一路官兵由大山梁前進又分一路  
官兵出木思工噶克丫口由半山前進佔至第九  
峯則俯臨勒烏圍勢若建瓴而噶爾丹寺噶朗噶  
自歸掌握因於二十四日寅刻仍派福康安等分  
爲上中下三路均於山半進攻臣海蘭察額森特  
緊隨策應又派烏什哈達等卽從第三峯前進轉  
戰而前直抵第七峯之上奪獲礮卡甚多此數日

接連打仗共計克大礮一百數十處木城數十座  
寨落二百餘處寨房一千數百間殺賊三四百名  
生擒十名奪獲牛羊鳥鎗刀矛等物甚多查此時  
官兵直臨巢穴賊人悉力爲困獸猶鬪之計臣等  
擬從現在攻得之第三條山腿發兵連拏木柵直  
至河邊并從第三條山腿越溝拏柵逕逼賊人所  
據峯下小山腿之各礮寨用礮轟摧彼時卽不得  
其第八九峯竟從半山繞至托古魯地方則已據  
勒烏圍之上自可卽日掃巢奏入

諭曰阿桂等奏攻克下巴木通礮柵將勒吉爾博山梁礮

卡掃淨及乘勝佔奪得式梯官寨等語阿桂等督率將士奮勇進攻所至克捷甚屬可嘉所有將軍參贊及領隊大臣等俟攻得勒烏圍時一併交部優叙其在事出力將領弁兵等卽著阿桂查明分別等第咨部議叙

十五日

公偕豐昇額海蘭察額森特奏言查自榮噶爾博第八九峯順腿而下卽係勒烏圍官兵一克此處賊巢斷難再守而此兩高峯地形陡峻且與兩小山腿聯絡應援是以賊人於此悉力聚守若將噶爾丹寺及噶朗噶乘勢掃除既可將勒吉爾博山

梁上下分駐之兵多爲抽撤以供攻勦而分兵一支沿河前進雖該處道途亦屬險仄亦可稍分賊勢第噶朗噶寨落雖被官兵燒搶十之六七而賊人於所剩各寨仍復竄伏竭力抗拒官兵若於第三條山腿連拏木柵而下一至河邊不獨噶朗噶攔截在內卽噶爾丹寺亦不攻自破但第三條山腿兩旁皆有寨落必須分兵防護臣等督令官兵於二十七八兩日在各山溝內砍伐木植運往第三條山腿之上至二十九日一面督兵接拏木柵一面分撥官兵以備截殺來擾賊人並燒搶餘剩

寨落維時賊人情急分隊來援上下衝突官兵直  
前迎殺殲斃甚多始行竄逸而我官兵連擊木柵  
十七座已至山腿中間併將前此未及焚燒之碉  
寨攻搶焚燒十餘座是日並派五岱帶兵由噶爾  
丹寺上面分路下攻噶朗噶各寨官兵所至騰躍  
而登旋克寨落二處進至噶爾丹寺南邊溝內各  
寨賊人仍復悉力拒守因將官兵暫撤至初二日  
復由山腿中間接擊木柵九座至沿河平壩將賊  
圍截在內痛加殲戮此一兩日內即可掃淨噶爾  
丹寺噶朗噶屆時或合力奮攻第八九峯或從噶

朗噶沿河直進在在可以相機攻剿至遜克爾宗  
一處官兵雖已環其三面但賊仍前死守臣等攻  
克榮噶爾博山峯之時卽令富興成德六十六等  
於遜克爾宗西北設立木柵連接榮噶爾博向東  
山腿以爲聯絡進逼之計臣豐昇額亦卽前往親  
爲督率奏入

諭曰阿桂等奏官兵接拏木柵直趨河沿截斷噶朗噶噶  
爾丹寺以期迅搗賊巢所辦甚好官兵屢次克捷勇氣  
倍增攻剿自非難事惟是賊人勢處窮蹙正如困獸之  
鬬以攫噬自衛其死此時功逮垂成諸宜謹慎遇有賊

寨鎗石密施之處均勿冒險輕進然亦不可過於持重

致涉因循

恭錄

御製詩

捷報

邇日捷報頻頻來紅旗益盼其至哉西路已克山之嶺

阿桂

奏下巴木通地既陡峻上下雙礮中間復攔木城一道溝  
濠重疊以阻我軍海蘭察額森特於四月二十二日寅時  
督催官兵扳開木城從中衝突由旁繞出礮後官達色等  
所統正面官兵亦一擁直上於是合力連克兩礮賊人大  
半被殲得脫者甚少官兵已據上游勇氣百倍海蘭察等  
乘勢督率順梁攻壓又將薩爾歪噶吉達佳布一帶礮寨  
悉行攻獲維時五岱等先至來珠寨下直前攻克而得式  
榆賊人尙以鎗石抵禦及見梁上礮寨悉被燒焚又見官

兵循山而下勢不可當旋棄礮而遁官兵即將上下得式  
棉全行佔據而勒吉爾博山梁上下迤延二十里所有礮  
卡寨柵經烏什哈達等先後攻剿盡數掃除其榮噶爾博  
一帶山梁經阿桂豐昇額統兵搶佔直至第三峯之上現  
擬奮力分剿若由第三峯大山梁前進又分一路出木思  
工噶克了口由半山前進佔至第九峯則俯臨勒烏圍勢  
若建瓴更無阻礙此次計克大礮一百數十處木城數十  
座寨落二百餘寨房千數百間殺賊三四百生擒者數十  
奪牛羊鳥鎗北路復據河之隈明亮奏茹寨一路麥田收  
刀矛無算北路復據河之隈明亮奏茹寨一路麥田收  
自不可緩而茹寨戰礮扼其險要薩克薩谷一路官兵難  
以徑進惟當於基木斯丹當噶山腿盡處竭力衝開賊壘  
一路擊卡而前直抵河沿則茹寨一帶皆可攔截不攻自  
破隨於二十三日派兵分進侍衛進財保等帶兵搶佔臨  
河六處緊要礮寨賊見官兵勇銳勢不能當隨各棄礮逃  
竄其時副將圖欽保帶兵在薩克薩谷聽聞鎗聲即督兵  
直攻茹寨戰礮拋擲火彈乘賊人四散潰逃即將各寨落  
縱火焚燒而奮勇官兵亦已截出河沿其各寨竄出之賊  
中鎗被箭者甚多亦有墜河死者自山腿以下麥田十餘  
里皆爲我兵佔據由此至勒烏圍僅一河之隔即可與阿

桂訂期下壓謂西旁擊謂北各盡力彈丸勒國即勒烏圍

為勒實易摧噶喇依俗謂之竄勢必有噶喇依逆酋索諾木現居

番所有糧食器具聞皆陸續運往尙欲恃此一隅拒守為

苟延旦夕之計但其地積糧既少而各處敗回之賊愈聚

愈多口食金無可藉非忍饑待斃然亦豈能數月挨蟻附

羣小固可恨何妨湯網為之恢降自脅從與罔治前以賊

逆豎抗拒王師罪大惡極會屢諭將軍等以官軍既抵勒

烏圍噶喇依賊即求降亦不可宥今兩路官兵連次克捷

計日可以會剿掃殄賊巢鼠黨孤羣必立就馴戮但為數

不免稍多於心究有所不忍因令將軍參贊等於進兵時

宣諭賊眾有能畏罪出降者仍從寬免死如此網開一面

天德敬體懷蕝功休息吾本志迴思久矣增徨徊

天功速就云好生

二十二日

公偕豐昇額海蘭察額森特奏言查第三條山腿將至平壩爲赤布寨有戰礮七座回環互守必須攻克此寨則直下河干始無阻碍臣等於初八日寅刻派兵進攻至巳刻未能得手但赤布寨之北爲得思古寨自高而下礮寨雖多若出其不意不難攻奪而旣取得思古寨順溝下至瀕河則噶朗噶及噶爾丹寺亦俱攔截在內與從赤布寨而下形勢無殊當將官兵酌撤至申酉間沿溝潛進突然攻搶賊人放鎗抵禦而官兵業已分頭搶入遂

將得思古各寨均行佔住其得思古寨迤而西北  
尚有寨落數處初九日乘勢攻獲而五福等亦由  
安吉山腿迤邐下攻克取大寨二座因思赤布寨  
在山腿盡處形勢甚陡今官兵旣克得思古寨可  
以抄出其後因於初十日前後合攻將赤布寨卽  
行攻獲是日各領隊等又卽帶兵將噶爾丹寺南  
面寨落三處相機攻克而五岱等又將噶爾丹寺  
東面寨落金水礮一併攻得至戌刻風雨雪霰交  
作賊人黑夜奔逃官兵設伏防範賊爲鎗箭所斃  
者不少比至天明卽將其寺焚燒以絕奔布爾雅

教至遜克爾宗左手有舍圖枉卡山腿一條其上  
礮卡排列聯絡接應臣等於初七日派兵六路進  
攻該處山梁陡峻樹木叢深初八日丑刻各官兵  
潛密無聲分路進發章京巴彥察等將最上三礮  
圍住分頭撲進儘力砍殺賊人無一得脫遊擊曾  
吉保等攻中間第四礮盆礮外木城亦立時摧破  
而李文英傅宗孔高臻張顯揚分攻第二礮三礮  
英林等攻丫口山木城並平房二十餘間亦俱相  
繼克獲富興成德等又乘勢搶其大礮五座木城  
二座但此丫口中間尙有礮卡三座爲官兵下壓

所必經一從了口而下則遜克爾宗之賊勢必望  
風奔潰官兵又添一進搗勒烏圍之路查噶爾丹  
寺本係金川著名地方而噶朗噶尤爲賊人最大  
聚落今官兵竭三日四夜之力將噶朗噶一帶寨  
落一百十餘處戰礮三十餘座寨房二千餘間盡  
行奪獲掃除而噶爾丹寺亦不攻自潰前至勒烏  
圍不過數里現在趕緊添築木柵直至河沿卽與  
明亮基木斯丹當噶新營隔河相對其榮噶爾博  
第八九峯賊雖死力拒守然山上山下皆可覓路  
進兵臣等相度機宜惟期迅速集事先掃勒烏圍

巢穴以慰

宵旰殷懷奏入

諭曰阿桂等此次攻克噶爾丹噶朗噶等碉寨將軍參贊  
調度有方領隊大臣奮勉出力甚屬可嘉俟卽日攻得  
勒烏圍後一併優叙至在事之將佐弁兵並著阿桂等  
查明咨部分別議叙

恭錄

御製詩

西直門外作

夜雨快晴曉爽侵還宮又復值齋臨改觀農務祝登玉應

節義交凜枕金如砥石衛行處慣似油綠野望中深倚虹  
堂名在高梁橋向屢有詩小憩傳朝膳正值軍營報喜音  
丹寺及噶朗噶等硯寨竭三日四夜之力攻獲寨落一百  
十餘處戰硯三十餘座寨房二千餘間其地距勒烏圍不  
過數里

二十九日

公偕豐昇額海蘭察額森特奏言查官兵佔據舍  
圖枉卡已屬居高得勢自此而下有了口一處山  
勢陡削賊人木城石卡互爲聯絡上下俱可接應  
臣等籌定分兵兩隊當派令總兵成德等繞越自  
下截攻遊擊曾吉保等從上下壓而富興等帶兵

接續雖雨勢未晴霧氣四塞成德等已於林箐叢  
密崖礪敵仄之間步步攀越而行潛抵丫口以下  
突起力攻賊人分頭抵禦曾吉保等卽領兵衝壓  
上下合擊士氣百倍立將丫口之下石礪八座木  
城四座悉行攻克其下尙有礪寨二座平房二十  
餘間一併搶入佔據要地查遜克爾宗在榮噶爾  
博山陽第七峯之後恐賊人尙可從榮噶爾博山  
陽沿溝來往後路未絕隨派曹順領土兵循山陽  
而下放鎗縱火與臣豐昇額之兵互爲犄角臣豐  
昇額思官兵將次合圍遜克爾宗賊人必行竄逸

又卽分兵三路合力進賊人勢不能支由寨後  
牆穴往外奔竄經官兵緊追擊斃餘俱滾落箐林  
坡礮遂將石寨六處石礮十二座平房七處亦皆  
克取查由遜克爾宗前抵勒烏圖道路尙遙亦多  
山溝間阻臣等公同商議榮噶爾博距勒烏圖不  
過數里現已於直古腦一帶爲併力進攻之計其  
第三條山腿必須於逼近賊人處所添拏木柵直  
至河邊始可酌撤後面之兵以供前進之用今自  
十四日酉刻臣等督率官兵已將第三條山腿上  
之柵均行拏起並將五岱等勒吉爾博之兵撤至

第三條山腿換出臣海蘭察額森特之兵併力前進至榮噶爾博之第八九峯地形既險守禦更堅臣一面令烏什哈達循梁拏柵近逼用礮轟其正面礮卡以資牽綴又相度第八九峯下小山腿上之礮卡雖亦地險而堅若從半山拏柵踰溝前進用礮轟摧尙可攻克得其一處即可斜上八九峯後攻捨巴占地方則不但八九峯之賊不能復守卽前抵勒烏圖亦更無阻礙現將應用木植砍伐運往將次數用卽於日內相機進取奏入

諭曰阿桂等奏攻得遜克爾宗礮寨甚多現籌從榮噶爾

博進兵直搗勒烏圖賊巢所辦甚好遜克爾宗爲阿桂  
緊要後路今將所有礮卡盡行攻克則西路官兵後路  
更覺清肅深爲欣悅此次攻礮得勝係豐昇額帶兵奮  
勇所致甚屬可嘉已另降諭旨優獎總兵成德遊擊會  
吉保亦俱勇往超羣各立功績統俟攻得勒烏圖時交  
部一併優叙遊擊會吉保著加恩以副將用遇缺卽補  
其餘在事出力之將佐弁兵並著阿桂查明交部議叙

恭錄

御製詩

將軍阿桂奏報攻克遜克爾宗詩以誌事

遜克爾宗賊要害攻之數月未能克

遜克爾宗為勒烏圖賊巢外險自昨歲四

月間阿桂即擬往攻繞隙因據默格爾反出其後期必得

阿桂因遜克爾宗久攻未下探得日爾巴當噶之下榮噶

爾博之上其間有默格爾山梁若能襲取則進攻勒烏圖

既為得勢而凱立葉日爾巴當噶之賊皆在我後隨派海

蘭察等繞道前進搶佔默格爾山梁金攻壓密拉噶拉木

大寨及其旁礮卡又克獲凱立我後彼彼亦後我故眾力

葉各寨此上年十月中事也

守聚羣賊康薩工噶雖屢勦

自攻克默格爾山梁阿桂在彼頓兵兩月餘賊於康薩爾

山梁添礮力拒今年正月阿桂派兵三隊克其三礮金將

其下礮卡盡行攻取賊人因距巢逾近益竭力死守阿桂

復於彼頓兵三月而木思工噶克了口尤為賊境咽喉然

必須與得式梯同日金攻賊始不能抽掣堵禦因於四月

中旬乘積雪消霽與明亮訂期會剿遂派兵將了口礮卡

悉行攻佔隔江望見明亮官兵亦從薩克薩谷而下直至

河沿其日旁等賊寨仍拚死拒礮中匿噶爾丹廟既已獲

俱已不戰而逃矣

勒圍巢穴近咫尺

五月初官兵攻克噶爾丹寺及噶朗噶距烏圖僅數里

置此於後

終非計分兵首尾俾受敵偏伍彌縫未可施仰攀側越手

為翼冒霧突衝進了口火攻短兵各盡力或砍寨門或越

牆賊不能支遂奔北木城石礮獲數十

官兵自寺金槍佔舍圖枉

卡業已居高得勢因思雷遜克爾宗於後非計但其下

口山勢陡削賊人木城石礮互為聯絡必須從上下壓方

為得力隨於五月十二日派總兵成德遊擊曾吉保分兵

前往時霧氣四塞豐昇額察視機宜未便再為遲待遂令

官兵用礮轟擊使賊人不疑我兵進攻而成德曾吉保等

即乘雨霧攀越崖礮潛至礮根盡將了口上下石礮木城

悉行攻克復進克其下二大礮阿桂以遜克爾宗在榮噶

爾博山陽七峯之後恐賊人向可沿溝來往後路未絕隨

派副將曹順領兵循榮噶爾博山陽而下放鎗縱火與豐

昇額相犄角豐昇額因思官兵將次合圍遜克爾宗賊必

竄逸應及早攻撲庶可多殲賊眾遂派兵三路與之合力

金進或砍寨門而入或梯牆躍進賊礮奮勇擊殺羣賊力

不能支悉於牆穴遁去官兵追躡殲斃甚多計克石寨六  
石礮十二平房七隨撥進兵由直古腦下壓勒烏圖矣

一歲之功成頃刻是役固藉眾鼓勇副將軍實豐昇額錫

名繼勇紹乃祖自上年四月攻剿遜克爾宗以來至今始

將佐雖皆勇往出力而身先士卒調度合宜則副將軍豐

昇額之力居多豐昇額所襲之公乃其高祖額亦都世爵

額亦都本係巴圖魯公因其公號果毅之下增繼勇國

二字以獎其能紹乃祖勇畧且慶國家得世臣宣力也

之蓋臣綿世德

又

諭曰阿桂等奏自榮噶爾博由直古腦一帶拏柵下壓固

屬得勢但閱圖內情形若由赤布寨至冷角寺沿河直

進徑抵勒烏圖似較直捷著詢問阿桂此旨到時如勒

烏圖尙未攻克或照此籌辦如何又曹順屢次出力自應格外加恩除交軍機處以總兵記名外著傳諭阿桂如軍營遇有總兵缺奏請升補

六月初六日

公偕豐昇額海蘭察額森特奏言查榮噶爾博八九峯下有山腿二條其第二條之丫口卽係巴占礮寨甚爲堅大皆有木城聯絡護衛必須拏柵佔住第一條山腿然後用礮轟摧第二條丫口之巴占寨始能分兵攻搶各木城併力直取巴占臣等因木植業俱陸續砍運足敷應用遂公同籌議臣

海蘭察督同烏什哈達等循榮噶爾博第七峯山  
梁拏柵進逼攻其正面礮卡臣額森特督同瑚尼  
爾圖等進攻巴占礮寨使賊不能撓我拏柵之兵  
曾爾曾額爾特官達色等督兵踰溝趕拏木柵而  
福康安彰霽泰斐英阿帶兵爲各處策應十九日  
丑刻海蘭察等循榮噶爾博山梁前進將至天明  
林箐中見有賊番分爲兩股從左右抄下繞截海  
蘭察卽派弓箭鳥鎗預備及賊番直前衝突官兵  
各持滿以待相距數步始一齊施發殲斃甚多額  
森特等進攻巴占賊人兩次衝突均被官兵擊敗

竄回維時曾爾曾等隨趕拏木柵二十六座已佔至第八峯山腿而烏什哈達處亦拏柵前進佔據兩山岡直逼第八峯用礮轟摧至我兵所佔第八峯山腿已與巴占礮寨對面相去僅一箭之地是日卽將大礮運往力轟頗有塌損臣等隨於二十三日寅刻派兵踴躍齊進詎巴占礮寨之下各挖有深濶濠溝賊旣潛伏其中以避大礮金卽於官兵攻撲時放鎗上擊其溝沿之上又有砍倒樹木縱橫攔截官兵將至溝邊賊人鎗石如雨攻至天明勢難卽克一面將各官兵暫撤一面將礮位對

準施放共見寨內之賊有被轟捲去者其五代五福等帶兵沿河前進克獲賊礮一座隨即拆毀查第八九峯據勒烏圖之項故賊人據此以護賊巢然官兵若從其下山腿發兵繞進則第八九峯佔據無益而勒烏圖仍不可守故賊於巴占死力抗拒又爲護八九峯之計臣等熟察情形此時官兵所佔第八峯下山腿形勢稍低對面轟摧往往爲高礮所阻未能十分得力現已督率官兵拏柵逼至巴占礮寨之上峯頂之下中間接拏四座將礮運往力轟非獨摧擊巴占倍爲有力而斜迤而下

既可擊巴占後面之寨並可擊前面溝中藏匿之賊勢必難於存住若派兵或二三百名或三四百名晝夜搶撲使賊人不能稍爲歇息不過數日必至疲困現於二十四日未刻令曾爾曾帶兵進撲而額爾特繼之本日寅刻又令額爾特進撲而曾爾曾繼之烏什哈達等亦由正梁時時進攻總使我兵不致多傷賊人接應不服察其稍有懈弛選派精銳官兵爲一舉必克之計奏入

諭曰官兵從榮噶爾博第八峯並巴占礮寨進攻現已用礮轟摧并派將領每日更番帶兵搶撲以疲其力賊衆

自難久於存任卽偶因風雨暑羈時日亦無足慮現又添撥部庫銀五百萬解川貯備軍需儘屬寬餘阿桂等惟當努力攻勦速成大功以膺茂賞至逆酋索諾木兄弟及黨惡之大頭人如丹巴沃雜爾等自揣罪重難逃法網必然捨死抵禦但未必如山東逆匪王倫之情急自焚或於進攻噶拉依時將軍等乘其窘迫誘諭招降逆酋未必不妄冀倖免如果來投亦可稍省我兵攻圍之力而逆酋仍無所逃罪所謂兵不厭詐原屬無妨阿桂等酌量行之但不可入於賊詭計耳

十三日

公偕豐昇額海蘭察額森特奏言臣等令福康安  
會爾會瑚尼爾圖額爾特等於二十五日酉刻帶  
兵分路進攻巴占寨落金及其下之兩木城詎賊  
人守禦嚴密臣海蘭察額森特因於二十六日丑  
刻分爲兩隊進攻而賊人自第九峯下以至寨外  
挖成溝濠甚爲深濶溝內密布松籤多伏賊番放  
鎗擊打而距巴占稍遠之賊又用礮擊我攻寨之  
兵峯上賊人又滾放石塊官兵難於站立漸次撤  
回臣等思若再拏柵直逼第八峯之下并從第七  
峯丫口拏柵橫截與第八峯之木柵相聯則山峯

上鎗石不能下及庶正面攻打官兵旣易爲力且  
卽從山腿橫拏木柵直至第九峯下則濠內之賊  
不能存立然後順梁下壓合力進取可期必克該  
處地方險峻必須一氣趕拏臣等現已督兵砍伐  
木植將次敷用至沿河山勢自八九峯下至冷角  
寺中間尙有山腿兩條賊人各有木城若從沿河  
直上攻佔亦屬可辦但河西沙爾尼一帶礮寨明  
亮處尙未掃除我兵從此進攻則河西之賊皆可  
隔河施放鎗礮以擾我河東之兵臣等察看形勢  
若明亮處移往礮位由河西自上下轟沙爾尼礮

寨<sub>臣</sub>等并令五岱在伊現在之赤布寨以前趕拏木柵運送大礮前往隔河平打前後夾擊賊必不能存站則沙爾尼一帶更易掃淨而河東一帶亦可由河沿乘機攻取并可從冷角寺山梁進搗賊巢總之山上山下不論何處得手均可直抵勒烏

圍奏人

諭曰阿桂等奏連次攻打巴占礮寨尙未能克賊人日就窮蹙竭力自護冀緩須臾之死勢所必然亦斷不能久拒而我官兵乘勝深入掃穴擒渠無難立待又稱河西沙爾尼一帶礮寨若明亮處移往礮位自上下轟金令

五岱在赤布寨以前趕拏木柵運大礮隔河夾擊賊必  
不能存站此計甚善朕前此展閱阿桂進到地圖會指  
沿河一帶當可進兵隨傳諭商酌辦理今阿桂於未奉  
朕旨以前所籌適與朕意相合自可望其有成

恭錄

御製詩

軍書

三處軍書一日來立時籌筆肯徘徊

阿桂明亮富德三路軍營奏摺俱於十三

日同時遞到即爲展閱批答命召見軍機大臣指示機宜立時傳諭畧無停晷扼其吭背守自力  
聚彼鯨鯢攻易摧

阿桂分兵攻剿巴占賊衆捨死聚守未  
能即下蓋其離巢益近則力拒愈堅情

理固當如是而我將士屢勝之餘勇氣百倍今乘勢采  
不啻摧枯拉朽賊雖竭力支抵復何能為今阿桂擬於第  
八峯下添築木柵與第七峯了口相連逼攻正面賊巢使  
賊人鎗石不能遠及又薄其所掘溝沿令溝內之賊無由  
施展即日絨布遙牽嚴斥堠富德駐兵絨布寨雖不能統  
可望奏捷絨布遙牽嚴斥堠兵直入而設卡密防使南路  
之賊不敢棄而他顧是此一軍勒圍夾擊迅風雷明亮已  
之牽綴賊勢亦正不可少也勒圍夾擊迅風雷攻克賊  
人額爾替碉卡即日可下至平坡阿桂今擬添兵沿河從  
赤布寨攻打隔河之沙爾尼一帶今明亮將至沿河兩岸  
夾攻火礮轟摧賊斷不能獨因捷近盼如遠日夜郵傳問  
久拒佇可唾手而得耳

幾迴

二十日

公偕豐昇額海蘭察額森特奏言本月初三日酉  
刻於陰曠之中派撥官兵從第七峯前進之柵令

烏什哈達等趕辦從山腿直逼第八峯之柵令福康安等趕辦是處爲賊人緊要咽喉守禦至爲嚴密一見官兵運木拏柵卽前來衝突官兵俟其將近合力放鎗繼以弓箭賊勢披靡奔潰官兵追趕攪殺而烏什哈達處又從旁下壓合勢夾擊賊人被殲甚多官兵遂拏起木柵九座直抵第八峯之下而烏什哈達處亦拏起五座與第八峯下木柵相連距賊人碉卡不過半箭之地賊雖居高臨下不敢露身放鎗僅將石塊飛擲其勢殊爲艱窘特以連日大雨泥滑頗難動手臣查此處山梁一破

瞬息卽抵勒烏圖而一破勒烏圖卽噶拉依亦難  
固守是以臣等現又在巴占下賊人木城對面逼  
近拏起木柵兩座運礮轟推以期搶佔得此則巴  
占之勢旣孤攻奪自更稍易奏入

諭曰阿桂等奏稱現拏木柵九座距賊碉不過半箭之地  
金稱在巴占下手賊人木城對面逼近拏柵兩座運礮  
轟推官兵攻逼漸近自可迅速得手

二十八日

公偕豐昇額海蘭察額森特奏言查自第八九峯  
而下山腿賊俱刨挖深溝以阻我兵進攻之路且

又碉寨卡柵互相應援鎗礮滾石極爲緊密今若將巴占山腿各碉柵分兵十餘處同時齊上攻撲只須攻開數處乘其慌亂不難全行搶佔而繞越第八九峯後竟搗賊巢勒烏圖亦必尅日克獲但連日大雨傾盆俟得快晴即可合力攻開以期速搗賊巢再近據投出番人稱賊目等因口糧無出要商量偷放夾壩臣當派官兵每夜輪班設伏以備截殺至十四日子刻有賊一百餘人直撲糧臺旁貿易民人窩舖我兵邀截內外夾擊殺賊十數名餘多負傷而逃奏入

諭曰阿桂等奏所攻巴占碉寨距賊寨不遠俟一兩日快晴分兵同時攻撲即可繞越第八九峯後徑搗賊巢所辦甚好佇盼捷音

公又偕豐昇額奏言西路大兵直逼賊巢不論從山上山下進攻均距勒烏圍不遠但此地之河與山巖下之溪澗無異故自噶朗噶赤布寨冷角寺而至勒烏圍反係陡崖一縷之路其冷角寺以北山腿名巴克圖仰木賊人於半山攢設木城以爲拒守衝壓之計而對岸沙爾尼之賊又可用礮隔河合擊我兵難以沿河直進就現在情形而論巴

占一經得手最爲直捷臣等於八九峯迤下悉力  
籌辦者以此奏入報

聞

七月初一日

公偕富勒渾鄂寶劉秉恬奏言臣等將各站人夫  
輓運情形公同籌議查鄂寶所奏請裁北路各站  
不無節省但從前西路軍糧以楸砥爲正路而別  
斯滿一路佐之北路以卓克采爲正路而令南路  
協運供支今西路之別斯滿久經停運而北路又  
將卓克采運道停止悉歸併於楸砥大板昭一路

設遇山水陡發大雨時行難保無誤若從卓克采  
木板昭兩路運供卽有一路阻礙一路仍可通行  
無滯所有富勒渾劉秉恬請畱卓克采等十三站  
由腊覺溝孟拜拉匯入西路轉輸之處自應如此  
籌辦再現擬將南路之糧按月運供七千石自達  
思滿至卓克采共十三站又自卓克采至西路添  
設腊覺溝孟拜拉兩站此十五站半每站安夫四  
百名卽敷輓運所餘二百名應行裁去計節省夫  
三千名其西路各站前臣鄂寶奏請每站添長夫  
六百名查自色木多至凱歌坪共六站半倘舊設

長夫臨時有不敷之處各站員雇募客夫蠻夫自  
可通融應用所有應添設長夫三千九百各宜一  
併裁撤惟密拉噶拉木一站旣分運勒赤爾前敵  
及遜克爾宗且爲北站糧運總匯需夫甚多其議  
添之六百各仍應安設至臣鄂寶前議於得式梯  
茹寨薩克薩谷分設三站但目下情形不同應酌  
裁半站又可省夫三百各臣阿桂查鄂寶原奏計  
撤北路各站可節省夫五千四百各但此內木池  
覺木交泥峙岡宜喜得楞五站共有人夫三千各  
旣因打箭爐有運濟木池之米未能停撤則所撤

不過二千四百名今臣通盤籌畫雖仍留卓克采等十五站俾兩路接濟而所裁各站之夫實七千二百名於帑項更多節省且內地辦夫亦不至拮据

公又偕富勒渾鄂寶劉秉恬奏言准文綬來札擬將資哩存糧儘數運往軍營以濟急需伏思資哩現存二萬餘石原因大兵一克噶拉依應將運道移駐美諾於資哩一帶運供爲便而勝兵凱旋雖分途行走究係經由中路者居多至撤兵以後尙有駐防兵食亦應於資哩美諾積貯分供不宜輕

動查打箭爐現存米三萬九千餘石臣等咨明文  
綬每月運出七千石協供北路則腳費無多而兵  
食自屬寬餘均奏入

上從之

初五日

公偕豐昇額海蘭察額森特奏言查自十四日至  
十七日連日晴霽臣等議派會爾曾官達色爲二  
隊瑚尼爾圖仁和爲一隊攻巴占以上木城石礮  
二座以斷八九峯礮卡內賊番應援之勢至巴占  
本有兩座寨落又派福康安等攻上一寨泰斐英

阿等攻下一寨那木札彰靄等分攻巴占以下木  
城二座烏什哈達等攻撲第八峯礪卡臣海蘭察  
額森特等爲各路接應於十八日丑刻官兵突然  
前進正欲踰越大溝而溝內藏匿賊番及各礪寨  
卡柵之賊競起放鎗抵禦其八九峯頂最高賊礪  
亦點礮轟擊擲石如雨官兵不能踰溝進撲乘天  
色未明將兵撤於木柵左近使賊探望不見至午  
刻奮迅直前已有將木植板片墊過濠溝直抵礪  
柵下者而山梁後有賊一二百名前來散入各礪  
柵合力死拒急切不能攻取當將官兵酌撤查巴

占一帶本爲賊境咽喉又勒烏圖係賊根本之地而勒烏圖益無可守故堅此一道山梁以爲捨死護巢之計但賊境口糧缺乏上下離心番人投出日多其所稱賊目等互相疑貳及番人餓死情形實已衆供如一此時賊酋等雖悉力負隅其勢斷不能久因思向來官兵攻打之後或稍爲歇息再隔一二日攻進今臣等現派官兵於明日五更進攻出其不意以期必克奏入

諭曰巴占一道山梁實係勒烏圖緊要門戶賊人於此捨死護巢或恐猝難得手前此阿桂曾奏若從沿河直上

攻佔亦屬可辦但河西沙爾尼一帶礮寨明亮處尙未  
掃除若攻得沙爾尼卽可於河東攻搶巴克圖仰木半  
山礮卡亦能截出第八九峯之後直壓賊巢等語此亦  
係進攻捷徑何以尙未見如此辦理想因明亮未能攻  
至河沿之故今阿桂一路屢攻巴占未克若不另辦分  
勦徒致耽延時日阿桂此時若已攻克巴占則勒烏圖  
可席捲而得自屬甚善否則派兵數千令海蘭察豐昇  
額帶領往助明亮將沙爾尼一帶礮卡盡行攻克亦可  
合阿桂沿河進搗賊巢之計較爲便捷著卽速妥酌而  
行

十二日

公偕豐昇額海蘭察額森特奏言查自遜克爾宗舍圖枉卡而西南雖山勢延長不無多費兵力而可進取之路頗多若派兵從舍圖枉卡直搶菑則大海迤西南高峯卽順梁由昆色爾喇嘛寺直佔章噶山頭則菑則大海拉枯喇嘛寺均已攔截在內賊自不能踞守屆時或從章噶順山腿下至河邊或涉水而西皆可繞出勒烏圖之南以斷噶拉依往來之路而從拉枯喇嘛寺山下又可繞至榮噶爾博第九峯之後托古魯地方以斷巴占賊人

後路其由章噶而東南可攻搶科思果木勒烏溝  
雖稍覺紆遠似成功反速現在大營前敵一帶以  
及遜克爾宗各營卡儘數抽撤可得兵五千以供  
繞進之用而巴占各碉寨現又另行相度機宜同  
時竭力攻打官兵一至章噶則賊境要隘到處可  
通賊必撤回醜類分頭防堵禦備多而勢力分巴  
占一帶不難力取現已抽撥官兵<sub>臣</sub>海蘭察於初  
一日統領先行<sub>臣</sub>豐昇額亦前往督率策應約計  
初三四日即可奮力前進

公又偕豐昇額奏言前仰蒙

訓示令富勒渾購備馬匹解赴軍營以資追捕賊酋之用  
臣等看得番地山勢巉巖並無牧廠現今大臣侍  
衛官員自備乘騎之馬多者不過二三匹少者一  
二匹割草飼喂皆須於各處搜尋若分給滿兵則  
每兵二人合用跟役一人自樵汲炊爨而外更難  
兼顧況此間所產之草非比蒙古地方不能不兼  
飼米豆若照塘馬之例以日支銀四分米四升計  
算每馬日需八錢有餘去年此項馬匹解赴西路  
時臣等酌於滿洲索倫額魯特官兵內擇其勇銳  
出力者每人分與一匹作爲賞給並未令其支領

銀米查自分賞馬匹以來經歷冬春雪厚草枯倒斃疲瘦現在所剩無幾臣等悉心籌議自將軍參贊領隊大臣而下以至侍衛章京鎮將備弁各人所得口糧稍多皆有自備之馬約計追擒賊酋賊目時可得壯健馬二百餘匹無虞臨時拮据均奏

入

諭曰阿桂奏現於苗則大海山梁之西探有昆色爾及章噶爾處若能直佔其地可繞出勒烏圖之南以斷噶拉依往來之路所籌甚好海蘭察已統兵前往進剿自可迅望得手又據奏軍營馬匹自將軍參贊領隊大臣而

下各有自備之馬約計追擒賊酋賊目時可得二百餘  
匹無虞臨時拮据所辦甚是明亮處昨歲卽經阿桂知  
會自必遵照辦理舒常亦然至富德南路情形大畧相  
仿自應照阿桂處章程一體妥辦阿桂籌辦軍營大小  
諸務實爲盡心今時當盛暑統衆攻堅賢勞足念因御  
製詩六韻親書箴頭賜之以示嘉獎

恭錄

御製詩

書扇賜將軍阿桂六韻

掌握師行掄俊豪事無巨細一心操功成九仞尤應慎志

格諸軍實所裒探路欲因乘怠隙阿桂奏督兵進剿巴占賊人因係近巢險隘悉力抵拒官軍屢攻未下茲於苗則大海山梁之西探有昆色爾喇嘛寺又西爲章噶若由昆色爾將章噶佔得則苗則大海拉枯喇嘛寺均已攔截於內賊自不能據守屆時或順山脚下至河邊或涉水而西皆可繞出勒烏圖之南以斷其與噶拉依往來之路海蘭察親至其地審度情形統兵往剿約於初三四間即可奮力前進以我精銳搗彼空虛諒無不克云云所籌攻礮直可壓危撓我居避暑原甚合機宜亟盼捷音速至

無暑卿効賢勞真是勞嘉予七言錫書扇凱歌三捷換征袍勉之指日親郊勞紫閣銘勲崇爵叨

十七日

公偕豐昇額海蘭察額森特奏言巴占一帶山梁賊人捨死抵禦實已不遺餘力今從舍圖枉卡分

路進攻賊酋若撤爲返顧之計巴占既不難攻克而官兵於巴占一帶不分晝夜連日攻打以掣其全力則舍圖枉卡一路進取自易爲功所有從舍圖枉卡進攻之兵臣等酌令曾爾曾泰斐英阿等攻取章噶山峯臣海蘭察帶兵策應並攻與章噶相近之果克多山礪又令瑚尼爾圖攻與果克多相近山礪其昆色爾喇嘛寺東接雅木則西接章噶且在拉枯喇嘛寺之上形勢最爲扼要因派令額爾特等帶兵攻打其舊則大海各礪令常祿保等攻打至舍圖枉卡右手溝內有巖洞在箐林中

賊藏匿於此令章京巴彥泰等帶兵截殺不使來  
擾我兵前進之路又巖洞下寨落五處均有賊據  
守復令富興成德海祿等分頭攻搶均定於初三  
日一早進攻但從舍圖枉卡分進之兵雖均係潛  
密夜行賊人無從望見亦必先於巴占攻搶使賊  
不能分力往援初三日丑刻度是時舍圖枉卡一  
路官兵已經前進復派將弁等分路進攻巴占寨  
及八九峯上各碉卡官兵突然搶上直過濠溝賊  
番施放鎗礮擲石如雨官兵未能得手暫爲撤下  
其舍圖枉卡進攻之兵泰斐英阿額爾特等進至

拉枯寺之上各處賊衆復來迎拒額爾特一面酌  
畱官兵衝壓一面直上昆色爾山梁進攻昆色爾  
喇嘛寺螳附登碉儘力攪殺其逸出賊人又被官  
兵痛殲遂將昆色爾寺奪據維時官達色等帶兵  
循梁東上直佔至雅木則碉對面臣海蘭察卽將  
果克多山峯戰碉攻克而瑚尼爾圖所攻之碉寨  
及富興成德海祿等圍攻各寨落亦全行攻克惟  
拉枯喇嘛寺賊人尙在死拒初四日寅刻卽派官  
達色泰斐英阿額爾特等先將附近各寨克獲縱  
火焚燒旋進圍喇嘛寺官兵飛騰而入賊人逃遁

無門亦均誅斃遂將喇嘛科爾三寨所屬之卦爾沙巴等寨悉行掃蕩其昆色爾寺等山陽什爾德擦烏曲所屬之格思等寨焚燒過半至常祿保等所攻之苗則大海各碉賊已挖有深濠排列松籤鹿角備禦甚嚴常祿保等一面力攻一面令官兵繞出其後將大戰碉圍裏攻克其餘山梁各碉卡亦經逐一掃除所餘雅木則一碉又經官達色與常祿保前後合攻乘勢攻獲統計攻燒碉寨一百三十餘處殺賊二百餘人搶獲銅礮一尊手礮二尊其餘刀矛鳥鎗等物無算查舍圖枉卡一路官

兵竭三日三夜之力佔據地方縱橫三四十里雖  
章噶一處尙有賊人負隅然可以繞截之路已經  
踰定章噶一經克獲即可截出勒烏圖以南路徑  
頗多賊酋左支右詘自當立成瓦解奏入

諭曰阿桂等奏從舍圖枉卡繞截圍攻將昆色爾山梁奪  
據金將果克多山峯戰礮攻克旋進克拉枯喇嘛寺及  
苗則大海各礮此次官兵等繞道奮攻奪礮殲賊實屬  
勇銳可嘉所有將軍參贊等統俟攻克勒烏圖時一併  
從優議叙其打仗出力之將領弁兵等著阿桂查明咨  
部議叙

恭錄

御製詩

將軍阿桂奏報攻克舊則大海昆色爾山梁金拉枯

喇嘛寺等處詩以誌事

勒圍望見阻巴占繞路進攻兵出潛巴十七日阿桂奏至云  
戶距勒烏圖不過數里故賊酋悉衆守拒不遺餘力阿桂  
屢次統兵往攻均未得手因擬從舍圖枉卡分路進攻仍  
派福康安特成額烏什哈達等分兵三路攻打巴占以掣  
其力遂派會爾魯泰斐英阿等攻取章噶山峯海蘭察等  
隨後策應並攻章噶相近之果克多山峯其昆色爾喇嘛  
寺在拉枯喇嘛寺之上於此一路大爲扼要因派額爾特  
等帶兵進攻其舊則大海各礮台常祿保等統兵攻勦又  
滿內巖洞賊衆藏匿派巴彥太等往彼截殺不使賊衆來  
擾而巖洞以下溝內尚有寨落五處則騰石攀林越溝底  
派富興成德等分頭攻搶並預爲埋伏

屯蜂附蟻上礪尖百餘處尅窮巢近三日力殫羣賊殲二  
日黃昏官兵攀林挾石潛密前行正由巖洞經過賊人卽  
來衝擾成德等遂圍其溝內寨落巴彥太等亦敵在巖洞  
之賊秦斐英阿等卽帶兵直進比至拉枯寺之上各處賊  
人俱來迎拒額爾特一面酌畱官兵卽蟻附登礪剿殺金  
爾山梁進攻賊人鎗石齊下官兵達色等循梁東上佔至  
其逸賊遂奪據昆色爾寺維時官達色等循梁東上佔至  
雅木則礪對面其餘官兵蜂擁而西海蘭察卽將果克多  
山峯攻克礪尼爾圖亦克獲所攻之礪富興成德海祿巴  
彥太等亦將各寨落巖洞全行攻克惟拉枯喇嘛寺賊尙  
死守初四日寅時官達色泰斐英阿額爾特等合兵從上壓  
下成德等從下上攻先將附近各寨克獲縱火焚燒烟焰  
蔽空途進圖拉枯寺至亥刻官兵飛騰而入賊人逃遁無  
門亦均誅斃其喇嘛科爾三寨所屬之瓜爾沙巴等寨悉  
行掃蕩昆色爾寺山陽日爾底擦烏曲所屬之格思落等  
寨焚燒過半常祿保等所攻之窩則大海亦於初四日寅  
時官兵繞出其後將大礪圖任伺賊人鎗石稍稀官兵  
四面扳越賊人措手不及當將大礪攻克其餘各礪卡亦  
逐一掃除計官兵竭三日三夜之力佔地縱橫三四十里

攻燒礮寨一百三十餘處殺賊二百餘人搶獲銅礮手鎗  
鳥鎗刀矛礮毯等物無算因降旨將在事出力之將領  
兵交部分將卒一心同効盡可嘉併與可憐兼  
別議叙

二十二日

公偕豐昇額海蘭察額森特奏言拉枯喇嘛寺之  
下溝底斗里一寨有賊拒守成德帶兵自上壓下  
卽行攻克至攻勦章噶之兵派魯爾魯泰斐英阿  
從章噶山梁左邊繞截薩爾吉岱額爾特進攻相  
連之達瑪噶朗一礮瑚尼爾圖等分攻其下各礮  
卡其章噶一礮令官達色仁和海祿等帶兵左右  
分攻

臣海蘭察攻其正面

臣

豐昇額親往督率初

八日寅刻分隊前進賊番於章噶礪座之外已挖有深溝三道將樹枝亂草平鋪溝上蓋以薄土溝沿旣挖有鎗眼其外又豎木柵以爲抵禦官兵一至溝前砍斷木柵卽已覺其狡計隨拔起所砍木柵橫搭溝上乘之以過賊人鎗石交加且礪座高堅力攻良久緣礪角蟻附而上直至礪頂層層砍殺而下賊人驚惶竄出官兵合圍力勦殺賊數十人將章噶大礪克取盆搶得礪旁木城其時魯爾魯等搶上舍爾都拉以後山梁四面攻打而瑚尼爾圖薩爾吉岱等又分道擁上山梁賊見我兵勢

猛力不能久一面拒敵一面竄逃官兵衝躡其後鎗箭齊發賊人傷斃甚多益拏獲男婦七名將兩山峯盡行佔據乘勝克獲寨落二十餘處旋於初八九兩日將章噶上下十餘寨一併焚燒勦殺此次所得地面甚寬接續不易因又將額森特隊內之兵撥往千餘益將附近後路營卡之兵竭力抽撤以供前進之用

公又偕豐昇額奏言臣等於初七日攻克章噶等處碉寨卽有什爾德山上額洛木寨頭人草什甲木參益寨首僧格爾結等帶領番人二十戶投至

官兵卡上又有喇嘛科爾頭人雍中帶領番人二十戶於初八日投出至初九日又有什爾德寨頭人丹比西拉布領番人二十一戶投出統計六十一戶男婦大小二百二十口經臣等面詢均稱金川地方百姓乏食者居多而伊等口糧尙不至乏絕且什爾德一帶莊稼將次黃熟亦可卽資口食惟見西路官兵分頭攻進卽日掃平又屢蒙將軍大人諭令及早投降皆可免死是以先行投出臣等察其言語尙非愚昧番民可比必實見金川滅亡萬不能再延時日始爲此接踵來降之舉而此

四五日內其零星投出者又五十名口向未有全  
寨數十戶連日陸續來投者是賊酋滅亡在即更  
無可疑卽將該番等發往附近內地土司安插仍  
令密爲防範其尙可得用而又帶有眷屬之人則  
將家口安移向內而畱該番在營隨同打仗並令  
其隨機招撫則金川蕩平之局自必更爲迅掃均  
奏入

諭曰此時章噶旣得已拊勒烏圖之背或先截斷勒烏圖  
通噶拉依之路或自上下壓直搗勒烏圖均可計日而  
待設或賊衆自揣力不能支逃回噶拉依卽未能多殲

賊衆而業已掃其一穴自益見窘蹙看來賊衆卽或聚守一隅而敗回之賊愈多口食愈形竭蹶其勢斷難久拒但恐賊人外竄未免又稽時日不可不多方設法廣爲攔截又據奏頭人等率領戶衆來降其慌亂情形大概可見自是極好機會至該頭人三名誠心納款尙非窘急求免情較可原如果認真出力應賞以藍翎頂帶俾倍加感奮報効且使番衆聞知益堅其投出之心賊勢更易於潰散阿桂等卽當妥酌而行

二十五日

公偕豐昇額海蘭察額森特奏言大兵旣克章噶

若渡溝而南搶上科布曲山梁固可出勒烏圖之  
左但現已深入三四十里所有之兵不敷接續卽  
上至山梁而該處礮卡如林恐未能立即掃除  
臣  
阿桂思自巴占左手而下巴克圖仰木一處  
臣  
從前原擬於此分攻因賊已於半山攢設木城拒守  
衝壓而對河沙爾尼之賊又可隔河用礮以擾我  
兵故  
臣  
等前奏欲俟明亮處攻得沙爾尼再行政  
搶若從此上攻而  
臣  
海蘭察又從托古魯等處直  
上兩軍會合不但巴占及八九峯礮寨木城均攔  
截於內而下壓勒烏圖巢穴亦勢等建瓴現在分

路進攻揆度賊人力量再不能別處滋擾遂於

臣

阿桂大營及後路內又抽兵三千分爲四隊從巴  
克圖仰木及榮噶爾博八九峯盆巴占寨上下分  
攻其托古魯進攻之兵亦分兵四路由章噶下溝  
進搶山梁各礮卡

臣

額森特所攻之巴木圖至直

古腦山頂木柵層層聯絡備禦堅固卡座更多十  
二日子時官兵從鎗石叢中奮勇衝上福康安烏  
什哈達等將兵分隊攻搶共得大小木城礮卡寨  
落五十餘處上據山梁而五岱五福明仁等亦卽  
將薩木卡爾山腿各礮卡克取與

臣

額森特之兵

會合至

臣

海蘭察之兵是日丑刻踰溝直上賊人

已於林箐中間及山梁之上放鎗力拒官兵一面

攻擊而侍衛泰斐英阿等一面分兵潛從山梁陡

險之處攀援而上將礮卡全行克獲保寧官達色

仁和等亦將溝底寨落七座奪取與

臣

海蘭察之

兵會合所有八九峯及巴占一帶礮寨均已圍截

在內攻至抵暮

臣

料賊必乘夜潛逃先派兵於溝

底箐中設伏卽督催力攻官兵四面合呼一齊撲

上其巴占一帶之木城石礮經富興書麟等攻克

第八九峯及巴占穆古一帶礮卡經特成額劉國

樸等攻克此數處竄出賊人除被官兵追趕截殺外餘多跳崖身死其時特成額於攻克各山峯後酌量畱兵駐守卽帶兵從山梁趕下至臣額森特處合兵遂於十三日子刻臣額森特率同福康安烏什哈達特成額等向冷角寺從高下壓賊人且拒且逃官兵追殺直至河沿將冷角寺及附近寺旁寨落搶佔焚燒已歷至勒烏圖之上是日海蘭察額森特等乘勝直據勒烏圖賊巢分兵圍其兩面臣等熟察情形勒烏圖官寨西臨大河其南則寨落相接一里有餘直至轉經樓再南卽甲爾日

礮橋賊人現俱據守但遙見河中皮船往來絡繹  
不絕恐賊人從此竄逸更當迅爲籌辦查河西明  
亮一路官兵尙未至賊巢對面河中水路一時不  
能遽斷若從托古魯左手向南抄截而下得佔據  
轉經樓亦可斷其沿河來往之路臣等於十三日  
派兵前往攻打而轉經樓礮寨亦甚高堅且我兵  
無遮身之處遂將官寨至轉經樓中間一帶寨落  
焚燒十之七八此數日內共攻克大小礮卡木城  
一百四十餘座喇嘛寺一所寨房一千數百間殺  
賊二三百名生擒活口二名賊人因勒烏圖及轉

隋文帝公年譜卷十三  
經樓碣寨高堅可恃仍思死守官兵攻轉經樓時  
無所遮蔽是以稍稍得手今已趕拏木柵進逼並  
運大礮力轟則轉經樓計日可得而勒烏圖自歸  
掌握奏入

諭曰阿桂等奏將直古腦榮噶爾博一帶碣寨及冷角寺  
等處悉行攻克已直壓勒烏圖之上現派官兵圍其兩  
面勢若建瓴自可唾手而得惟據楊中爾甲木燦供稱  
老土婦阿倉及僧格桑之妻得什爾章用皮船過河而  
去莎羅奔等隨後亦從各路逃竄等語賊酋賊婦諒不  
能逃回噶拉依計官軍掃穴擒渠自斷不能漏網惜此

時未能卽行擒獲耳又閱圖內甲爾日磔橋一處在勒  
烏圖西南通噶拉依要路若能先將此處攻得斷賊往  
來之路賊衆自無可逃阿桂現尙未能得必須設法先  
行攻佔則勒烏圖之賊更難自存剿之尤易爲力朕於  
圖內用硃筆標記發交阿桂速爲籌辦同日明亮等奏  
現在已攻札烏古山梁隨將丹札木寨落焚燒等語明  
亮若能攻得札烏古卽可與阿桂并攻勒烏圖更爲得  
勢佇盼捷音